

救
偏
瑣
言

叙

予筮入崇川時即開建中費子
有敕偏一書而未之覩也嗣予歷
平原洹陽轉而邙

命山左又轉而視河天中約二十年
其書猶未之覩也今年春費子

遠遺如行知所著書甫脫稿即
有諸先輩為費子作弁語而授
之梓功將半矣嗣限於力不克竣
事而費子因更加討論以祈入聖
淹遲歲月望其書者如望歲矣
如望慈母矣今費子何歎焉乃

猶逡巡而不敢遽出者。為子真
耄而愈篤哉。予與費子交非一日
而見曹賴費子以金者。亦能一人
猶憶曩時予舉一子三歲患痘
症殊險。甚一不諳者。繩墨是趨。幾
至償事。得費子佩。數語而乃得。

全今篇中所載治驗大率類是
予載陳久矣而未有以報也玆為
之叙以表區々而其作書之旨諸先
輩又言之詳矣予更以言哉予河
使者也請以河喻自古以河為
必曰大禹至漢而又有賈讓之三

策身食之家遂謂不用䟽濬而
用塞其偏也抑知自漢而下河不
北而南故治之法不宗北而塞
鯨况今日又用河以資漕不塞
則河與漕不通而江南數百萬
石不得北此天下大利大害之所

係也故不得已而用塞是固以偏
敝偏之法耳費子之書之猶是也
費子曰痘不一局隨大運而遷大
運在寒水則痘以虛寒為之自
宜專主固本寒水之後繼以相
火則痘亦以烈毒應之自宜專

主政解第因運氣不同而治法
各異其取偏之法真与予有淄澠
而針灸者予兩人者亦奇矣哉語
云以書為邇者不盡馬之情以
古制今者不達事之變今而
後有向予而治河者予將出費

子之書以正之

順治乙未仲冬年家眷弟方大猷
書於大梁工次

救偏瑣言目錄

小引

卷之一

救偏總論

原痘論

論氣

論血

卷之二

治痘運掌賦

推廣規則錄

治痘須知大運論

附治驗

論治痘權宜

附治驗

治痘藥性摘要賦

卷之三

發熱論 附治驗

升發論 附治驗

疏表 附治驗

達裏 附治驗

痘有首尾疏達訣

附治驗

痘有不宜疏達訣

附治驗

卷之四

放點痘治準

稀有內症

附一忽視之戒并治驗

客有克肥 附治驗

陷有毒滯

附治驗

綻有襄薄 附治驗

薄有浮衣

附治驗

平扁與不鬆辨 附治驗

氣拘與毒絆辨

嬌紅非血熱辨

附治驗

血鬱非氣虛辨

附治驗

卷之五

起脹症治準

攻毒總訣

申明毒火深藏等症

自鼻衄至蚤癰紀廿有七各有治驗附後

卷之六

申明貫珠攢簇怪痘

圖狀怪痘惡形

紀十有七種下詳治法各附治驗

圖狀怪痘惡象

紀十有八種下詳治法各附治驗

申明惡色并治法

附治驗有五

申明四毒頁 各有治驗

申明痘佳症惡 附治驗

申明痘白雜標 附治驗

申明飛漿 附治驗

申明泡湧 附治驗

卷之七

涼血撮要訣

清火窮源論 下有詳明五條

清火症治準

涼血清火不拘首尾論 附治驗

分別毒火論

卷之八

論行漿

論補氣

論補血

論實表

論健胃

附治驗

論安神

附治驗

論血虛咬牙

附治驗

論氣虛寒戰

附治驗

論氣虛作痒

附治驗

論脾虛作瀉

附治驗

卷之九

論痘變症有不常不古

痘症變幻總論

論火毒咬牙

論血熱作痒

論熱劇寒戰

附治驗

論熱毒下利

附治驗

胃熱不食

論久擾不寐

論渴有虛實

附一虛渴治驗

論汗有補瀉

附治驗

卷之十

論結痂

附治驗

論落靨

論餘毒

附一氣血兩虛治驗血熱不養

娠婦痘

附一夫治之戒并附治驗

痘後調護宜謹

痘前諸瘡宜急治

附三治驗附誤治之戒

論大黃

論石膏

論猪尾血

論濁陰

項言備用良方

清肌透毒湯

直達透肌散

溫肌透毒散

寬中透毒飲

疏肝透毒散

清熱解毒湯

調中湯

涼血攻毒飲

鬆肌通聖散

清涼攻毒飲

卽瀉黃散

清暑透毒湯

疏邪實表湯

必勝湯

既濟湯

清金攻毒飲

涼膈攻毒飲

消癰快毒湯

窮源透毒散

錢氏百祥九

神應奪命丹

散結湯

養榮附氣湯

寶氣飲

瘡榮散

滌邪救苦湯

萬兩黃金散

一名無價散
一名四聖散

猪尾膏

養榮透毒湯

蟬針法

散火鬆毒飲

平順清解飲

托裏無憂散

養金化毒散

保元八珍湯

回陽反本湯

實脾固本湯

納穀散

瀉黃納穀散

補液湯

清金解渴湯

安神散

清宵忘晝飲

硃砂六一散

金盞散

滑肌散

水楊湯

保元回漿散

活絡透飲

忍冬解毒湯

撥雲散

消疳解毒散

加味內托十宣散

回漿合宜散

溫粉撲肌散

百花膏

快肌膏

牛黃八寶丹

奏凱和鮮飲

參歸化毒湯

和脾宣化飲

雙仙化毒膏

白題瑣

小

雖小也亦

片之一

其綱領條目經常變化

與大道無兩樞軸也

道無名言爲糟粕所以至

教無言言亦引而不發矧一事中之管目而更瑣焉

瑣則贅矣贅不令人厭乎第此道關人生死而原目

期有限不反覆致詳而簡畧從事虞同志者經

未必經心過而不入容有之矣昔節菴陶君有

瑣言諄諄而不憚煩其殆先得我心之所同然者

武未能效蠟可愧耳

救偏瑣言卷之一

度文起

吳興費啟泰建中父著 男

英孟育

日復曙遠

救偏總論

太極判而天地分。天地位而萬物育。生生化化。不外於陰陽相濟而成時行物生之令。一有偏勝。雨暘便不能時若。四時便不能順叙。而萬物俱爲病矣。玅於調變者。是在於太過則洩之。不及則補之。偏以偏救。而後可以救大造之偏。人肖天地。亦猶是焉。元氣卽

天地之陽。五液卽天地之陰。有是陽。則一身之生長有源。有是陰。則一身之滋養有本。是陽之爲陽。非陰不成。陰之爲陰。非陽不就。猶天地之生化。宜相濟而。不宜偏勝者也。否則陽勝則陰虧。虧久則竭。竭則陽亦隨之矣。陰勝則陽衰。衰久則脫。脫則陰亦繼之矣。所謂氣和則物生。氣偏則物病。氣絕則物死。理固然也。妙於藥其偏。而還歸於無過不及者。是在醫之衡量耳。矧痘之一症。與他症不同。一有偏勝。生死捷於反掌。尤非他症之可緩也。蓋痘有順逆險三項。順與

逆無藉於醫矣。至論之一症。亦自有三項焉。有險中之順。險中之險。險中之逆。險之順者。痘原平易。治者何用過求。按日數而循規則。痘自依期而起。依期而脹。貫漿結痂。亦順叙而功成矣。若過求之。反失中和之的。若險之險者。症必偏陷。非氣血虧於不足。卽毒火盛於有餘。若規規焉。峻補虞其太實。重瀉虞其虛。至第酌之。於輕重之間。聽浮沉於其際。何籍乎醫之有哉。至險而逆者。症已偏陷。而勢又猖獗。虛幾不及。幾無可瀉。所爭在於一線。而間不容髮。其機不

容少待猶之入虎穴而取虎子若存畏縮何能挽造
化於人工也。然所謂補救其偏者亦甚難矣。識見不
真先迷向往之路。膽力不雄同歸廢弛之地。理障未
捐難神變化之用。是必膽與識俱。心隨理運者而後
可以語此。夫識見何以難真也。有如白者辨其爲虛
而抑知有血鬱之白。紅者辨其爲熱而抑知有嬌艷
之紅。密者爲凶得克肥而何妨於密。稀者爲吉有肉
症而何貴於稀。頂喜其綻痘不蒼而綻歸何用。陷則
爲虛色若滯而陷豈緣虛致。皮薄者慮其漿清有浮

衣而非真。薄漿黃者。慶其蒼老。有板黃而非真。蒼。滯不鬆。誤認以爲平扁。根窠毒絆。錯羨以爲能拘。以膿成。便爲無恙。以茄落。卽快收功。此由識見之不真。形色之莫辨。一也。作痺者。補之於氣。咬牙者。養之於血。寒戰者。助陽。咽乾者。補液。補中健胃。施於食之不思。定志安神。行於夜之不寐。汗多則實表而慮亡陽。解頻則固脾而虞氣洩。夫固用藥之常法。業是者所習熟也。殊不知症有似是而非。僅是毫釐之謬。誤認以非爲是。殆至千里之差。每見養血而牙仍闕。助陽

而戰適增開胃而食愈不思安神而躁愈甚斂汗止瀉俱屬抱薪而救火定痒生津猶之助桀而爲虐病自炳於星日昧者竟是矇矓此識見之不明致施治之差訛二也膽力何以貴雄也偏僻之性固所最忌設有補不宜重者重而不覺伐不必過者過而不知此蓋偏之爲害而誤不淺也若見爲車薪之歛而僅以杯水之救見若江河之潰而將撮土之防可乎不可乎惜焉任事病在鹵莽不若曲謹之爲愈趨向旣真而常機畏縮何如必至之有成也病故有舉手而

應一 半而功倍者有竭其心思盡其藥力而
効者蓋病有淺深功自有難易若概期於速効
藥餌未半更端起是何異虧山一簣塞井九仞也
哉此膽力未雄卒廢於半途者三也理障何以難
捐也凡人出於臆度者猶存疑畏自見爲理者居之
而不疑蓋理本無障執之爲障略舉一二言之如
放標時一升發者理也執升發於放標時者障也清
解於起張候者理也執清解於起張候者障也補拓
於貫漿之際收斂於結痂之時者理也若執於是期

必拓。是期必收者。皆理之障也。痘有變遷。日期難執。嘗有痘雖初放。功不在於升發時。雖起脹。寧必事乎清涼。寓補於瀉。何嫌於貫漿而鮮利。用散爲收。何病於結痂而疏發。入門之始。而不循規則。是無階梯。臨症之時。而必拘繩墨。何以司命。往往株守者。終身迷而不悟。此繇理時之不清。至臨症之多乖四也。前人處方立論。有就症而論症者。有因時而制宜者。有矯前人之僻。而言下不無過激者。有慮後人放佚。而立論不無拘檢者。亦有喜行溫補。凡症歸於虛論者。有

於清熱凡症歸於熱治者總之一隅之見不可拘
言筌之迹不可泥於言筌卽如春夏爲順秋冬
爲逆之說而拘之則春夏無不起之痘秋冬無生全
之一矣有是理乎如局於一隅宗文中必致害於血
熱信仲陽必致損於氣虛守魏氏而概用溫補者未
有不致誤實實而大折生命者也貴在因其法而窮
其理彙其紛而歸於一是謂得之至臨症當機其著
見明驗者如昨日照不必猜疑其隱伏莫測者多似
是而非當必細察其形詳驗六色形色未燭復於神

情而繹之。容有可疑。更於內症而參之。則庶乎似虛寒而反實。熱者難逃。似有餘而反不足者。莫掩似平易而實危困者。何庾似必斃而實有可生者。自在調之得當。扶元見化。毋之工。施之不令。卽爲代性之符。治之得宜。蕩滌卽保護之丹。用之不當。卽爲腐爛之藥。首尾偏徇。却與日和而迥合。小心曲謹。適與敗謀而同事。苟非膽與識俱。從心所欲者。何可以語此。

原痘

痘一加毒耳。名之曰痘。取象形之義也。有謂天瘡者。

天所種。非後來之毒也。然所謂先者。悲懷娠時

已感七情六慾。辛熱燂炙之毒。當二五妙合。精行血

就時當下之毒也。何也。孩體以精血而成。精血以情

慾而媾有是身。則一。是毒矣。精血爲成身之本。情慾

在會合之先。先孰最焉。同一情慾。而痘有順險逆之

分。何也。精血厚而情慾淡。更得性恬味薄者。合天地

化生之理。得陰陽和合之宜。其稟旺。其毒輕。痘疹自

順。有血旺而精薄。有精強而血虛。或偶爲七情所擾。

或適爲辛熱燂炙所乘。或媾時。或男淡而女熱。或

女淡而男濃。是精血不能無病矣。其陰至若積

爲七情所擾。或嗜厚味無厭。或久服壯火之藥。

皆足以致火。沿髓淪肌。更兼男女俱。無及於縱。卽

精血極旺。而精乃毒精。血爲毒血矣。以毒精毒血而

成此孕。其能保痘之不逆乎。又有欲洩而強閉。以貪

歡會。此又逆之最逆。不終日而可斃。是謂悶痘。此順

險逆之由分也。究其出也是痘。未出時。果屬何象。出

則布於周身。未出時。着于何地。古來列說紛紛。皆是

捕風捉影。不知人身百骸。未生。元始之初。先結右腎。

謂之命門。以其爲受命之門也。其毒如一小櫻桃。結於此臟。如膽之繫于肝者然。內所包孕者。僅氣而已。順者其氣清。險者其氣濁。逆者其氣黑。毒惟有囊包孕。故未有感觸。藏之若無。一洩而一。判。可見稀痘之方。理之所無。藥卽刀圭。亦何從而稀之。若可以稀。則可以化之。使無矣。有一富翁。晚年得一子。訪此道于余。余以此理言之。弗聽。出得意之方。十餘以相辟。據方有巧思。然雖無益。却亦無損者。余亦不之禁。彼一一如方而預圖之。及後出痘。最逆無倫。不及

透點而斃。神奇不根于門。總屬虛誑。試問清與濁。濁與黑之呈見何如。清者其毒輕。感觸其竅。一任氣領血載。徐徐而出。出于蘊藏之地。漸而升於脾絡。猶太極而分兩儀也。白脾而行於肝。勢猶寬緩。未之分布。猶兩儀而分四象也。次第而至于心肺上乘之地。而始分布于外。猶之四象變化。庶類自繁。熱故得以和緩。越三日而見標。漸漸而出。先於頭面。次及乎身。以至四體貫漿結痂。亦自上而下。所以謂之痘爲上。氣濁者。其毒湧盛。遇有感觸。非若清者之從容緩。

也。一出本位。燔熱燥渴。經於脾絡。一及乎肝。毒其
莫禦。非領毒之氣。受毒。卽載毒之血。所以熱不

三日而卽見。不暇論其形色各症。第驗筋抽。惕之
象。而症已非輕矣。所以肝經之痘爲險。有未及乎肝
而於脾卽發者。勢尤猛烈。一出本位。毒便狂。以
周時。痘卽一齊湧出。或見點而累日不起。氣血俱受
其困。凡通臟腑。無不見其凶象。第驗其腹痛唇焦。其
餘症自惡。此陰中帶逆。濁而兼黑者。其象如斯。黑者
一觸其竅。勢若砲烈。未及離乎本位。毒卽肆虐。并亦

不容分布。氣受其錮。血受其瘀。凡通腎臟之地。無不聽其攻擊。卽如腰。如被杖。屈不能伸。已下其喪。無日矣。要知五臟見症。皆出於腎。第腎爲稟受之地。諸臟爲分布之所。緩急關生死之界。緩一步。則毒輕。一步緩。而至于心。緩至也。肺則次之。故心肺爲順。肝則界于緩急之間。故爲急。至于脾。則急矣。腎則急而更急。若迅雷之不及掩。故爲逆。然則腎痘之不救。以人力之不及施也。言腎不受毒。諸臟獨可以受毒乎。更有變黑。歸腎之說。得毋以腎爲玄武。其色故黑。

耶若是則赤當歸於心青當歸于肝黃當歸于脾白
歸於肺赤與白白與黃痘固宜有之色青獨非所忌
乎何獨慮腎而不及肝耶總以血瘀則黑血爲毒瘀
其毒自不可解豈有變黑歸腎之理乎有因虛而不
起者必其兼毒盛者也毒得其輕雖虛何害毒若猖
狂氣血成何用耶

論氣

人身之氣得太極之陽而神爲之主輕清象天源於
太虛本於剛健無形而爲形君無體而能體物爲生

命之根。今乾道焉。邇有生以前。孩體何肇。如萬物之
資始。乾元也。既生以後。長養何從。如萬物之暢茂。於
陽和也。運行不息。無窮不達。如日之經天而行。健也。
精形洋溢。潤乎一身。如夫喬之敷榮。于化日也。衛護
于外。六淫不擾。如乾陽透地。而陰霾莫能晦其照也。
克實于內。至老不衰。如悠久成物。而亘古莫能究其
竟也。自孩而少。少而壯。壯而老。旋轉一身。周而復始。
宛如一貞。下起元。而太極之乾道也。至於塞天地。入
水火。變化飛升。何莫非真氣之妙用乎。應乎痘瘡。氣

得其正者透必暢快。脈必如期。頂尖而脚圓。頭而先
身而至。以見痘之非氣井。領升發于陽。而輕清上升
之義明矣。包血成暈。不令脚散。磊落分明。不令細碎。
雖密必成顆粒。以見氣之拘制其毒。而陽剛之義昭
矣。放點明潤。可觀成漿肥黃。悅目收靨結痂。不乾不
燥。以見氣之津液外旺。而證數榮之象矣。紅而得白。
白而得黃。黃而得老。以見氣之運行不息。成血之功。
而合乾健之體矣。痘從無而至。有見點以至成痂。靡
不成形于氣。以見氣之體物不遺之象矣。是氣得其

正之局也。今毒火太盛。而氣爲毒壅。火太盛。而氣爲火蝕。氣本輕清。而屬陽也。爲毒火所虐。則不能上升。而痘必倒置。頂必不能尖綻。或平或陷。而反制于毒矣。不能蓄血定位。痘其稠密細碎。而界地不分矣。氣主乎神。神被火灼。色自不能光澤。或乾紅。或紫滯。連血亦爲不榮矣。氣主動盪。一爲桎梏。氣必不能化毒。或外剝。或內攻。而成熟無望矣。安冀其愈。終乎氣若不足。則又餒而不振。雖無壅遏侵蝕之患。亦終虧損。領成熟之功。邪正不並立。正氣一虛。邪毒。步。變。症。

蜂起其殆疾如反掌。故毒制于氣則吉。氣制于毒則凶。氣虛而不能馭毒。則從補。毒盛而虐陷乎氣。則當攻。或補氣。或攻毒。總不令氣爲毒害。斯明乎太極之理。而治氣莫能出其右矣。

論血

人身之血。得太極之陰。重濁象地。稟輕清之氣。以成其體。而具資生。承剛健之氣。以厚其用。而主長養。有乘載之功。柔順之德。合坤道焉。當胎元包孕。孩體何成。如萬物之資生于坤元也。自孩至長。長而至壯。如

萬物之長養于博厚也。得氣而生。得氣而旺。如土脉之賴于陽和也。隨氣運行。周流無滯。如陰柔之以順爲德也。灌溉五臟。榮養一身。旺于內。明足以察秋毫。心足以應萬事。當炎暑而不畏熱。旺于外。則筋強而力倍。髮潤而灰華。唇若桃舒。而面若杏吐。如天喬之敷榮于地道也。榮極則枯。吐極則衰。髮鬢頽而五色眩。精髓虧而天癸絕。類若草木之零落于冬土。而宛然一太極之坤元也。至于尸解蟬蛻。脫化而軀殼如生。何莫非真陰之妙境乎。應乎痘瘡初見一點紅。昭

其爲痘以見血之載毒而出同於載物之功矣。紅而能潤色得以呈乎外以見血不自呈而需輕清之氣明矣。紅而能白。白而能黃。黃而能老。血得以化而成膿以見血不自化而藉剛健之氣又明矣。歸附周圍得以圓淨放白。眼鼻得以封塞。黃熟周身得以脹滿以見血隨氣運而象順德之無疆矣。痘本從無而有點點而遍至於成痂以見痘之皆屬血體而合乎資生之理矣。放點如粟起脹如豆漿黃如蠟以見痘之血體自繁而合乎博厚之道矣。漿足漸收成痂落靨

以見痘之收斂于陰。如冬令之解葉辭條而歸根于土矣。是皆血之制毒而然也。令反爲毒制而血失其正。血本爲榮而屬陰也。爲毒火所燦。痘自不能榮潤。輕則歛紅。而重則紫艷矣。血本運行而流通者也。爲梟毒壅闕。痘必血瘀。輕則椒皮紫黯。重則紫背浮萍。黑如灑墨矣。血本賴以滋養者也。爲毒火逼迫。血必妄行而致失血之患矣。尚冀其載毒而出。放白成膿。收痂落靨之境哉。此係血被毒害。而非血之不足也。血若不足。則白而不紅。氣縱有領毒之功。而血無載

毒之力。以致有頂而無盤。氣足以包血。成圓。血不能以附氣。成暈。以致空殼無漿。痘賴血體而成膿。毒賴膿成而毒解。膿乏其本。卽毒得其輕。氣得其旺。亦何能濟其缺陷哉。故血虛之症。必當養于平素。以補氣之功。易補血之功。難也。治血與治氣同參。斯妙于治血而明乎太極之陰者矣。

救偏瑣言卷之二

治痘運掌賦

病有表裏虛實藥有補瀉溫涼取症不可偏據。谷外
內與脉詳。表似虛兮必合內而評論。症似實兮更參
脉以相商。理在窮源兮須究其致。不必他求兮豈可
憚常痘更變而莫測。非若他症可傍。有似虛兮反實
有似熱兮反涼。變症百出千形萬狀。欲求變幻。先知
三項順。若治而多事。逆若治而招謗。險能通變。治痘
賢良。有如熱和緩兮體潤。神開爽兮如常。淡紅其色

今如杏蕊之舒露。尖綻其形兮。如笋芽之透狀。毒火
輕淺。氣血兩旺。漸漸光壯兮。紅變爲白。氣奪血附兮。
白變爲黃。膿成始於頭面。終於四體。次第不紊。珠結
肇於人中。未及足脛。陰陽和暢。飲食加飧兮。二便調
順。痲落滋潤兮。疔色榮光。何用醫林之藥石。何須父
母之驚慌。假令面顏青慘兮。涎湧氣促。如畏刀鋸兮。
兩目徬徨。腰膝曲而如折。青紫點如萍樣。手足撩亂
兮。身無安放。啼聲不出兮。意甚慌張。灑墨兮。四體暨
乎胸背。失血兮。口便合乎瘡瘍。腹脹如鼓兮。神情悶

亂額汗如淋兮。厥冷非常。此等逆中最速。悶痘卽日
能亡。更有立刻可斃。唇舌滿口如霜。設若輕與湯劑
反致毀於熱腸。

偏身蚤斑蚊迹。藍癍焦紫如傷。一片兮。蛇皮蠶殼成
粒兮。水泡空囊。根堅硬兮。黥滯頂嬌嫩兮。油光面目
掀腫兮。痘卒不起。凹心泛白兮。面不行漿。額攢聚而
如麻。額細碎而平腹。額下糊模。託腮繇來不吉。顛頂
盤聚。覆釜自古非祥。功將九仞兮。痰壅氣喘。時方發
期兮。咽啞水噎。目之有黥兮。按之無粒。而必敗形。雖

磊落兮。根無盤助而堪慌。膿未成而泡湧。紫白同歸
於盡。藥未行而痒沸。燥溼總屬悲傷。頂破乾赤兮。痘
如剛去。頂破乾黑兮。凹似煤坑。地角數點乾黑兮。懸
似肉出而圈不斂。暨其鼻準若是兮。兩顴平斂而及
印堂。紅暈散漫而不附。氣離血散而乖張。徹夜無眠
兮。漿後豈容如是。終日不食兮。痂後寧保無妨。漿不
成痂兮。和皮粘去而如剝。硬痂燥黑兮。嵌入紅暈而
如鑲。頭搖身拱。足擲手揚。躁亂不寧。猶之發始。熱如
炮熾。更甚於曩。痛楚不堪兮。衣衾難動。身如捆綁兮。

困苦着牀。率唇鼓頷。尋衣摸裳。手足振戰而無措。欲
言無語。而皇皇目開睛定。今口吐涎沫。神情恍惚。身
身無主張。有本逆而不治。有失治而致戕。凡此同歸
於逆。謾誇痘內岐黃。

要知何爲是險。關時須要端詳。痘使稠密。今色猶滋
潤。色或乾滯。今形還稀朗。即使密而兼滯。今顆粒分
明。而綻突其或平。而兼陷。今不至脚瘍。而空洋。間貫
珠。而成形。今餘痘尙得克肥。間堆聚而成象。今諸痘
猶能光壯。出之太遲。今淹滯而神情不迫。出之太驟。

分毒湧而勢不猖狂。欲知其密兮。四五相連而擁簇。
欲卜其稀兮。單見其形而老蒼。大熱得靜兮。毒隨熱。
出而無慮。微熱躁亂兮。毒與熱閉而宜防。發必期盡。
透欲其暢。氣不克拓兮。端附則厚。血不紅活兮。郭廓。
則壯。舌刺焦黑兮。痘不焦枯而莫慮。臉若塗硃兮。紅。
中泛頂而休慌。咲間乾噁兮。聲音能曉。空竅失血兮。
不及自與瘡瘍。神若昏憤兮。非痰喘而莫棄。狂言譫。
語兮。非焦紫而能康。唇腫裂而焦黑。腹絞痛而莫當。
目下線紅。睜毛若鎗。皮毛若刺兮。痛猶膚剝。叫喊不。

已兮。寢食俱亡。此等惡症。皆毒潛藏。痘若磊落可與
無殃。若夫腰如被杖兮。毒攻本位。遇發始而未可遽
絕頭如斧劈兮。毒參陽位。初見痘而還宜審量。作痒
兮。禁止能定搔破兮。流血流漿。泄瀉而痘瘡不變。有
因利而痘反安康。體戰慄兮。神不昏。兩齒闐兮。身安
靜。痘使陷伏兮。囊窠未隱。精神困乏兮。飲食方強。漿
灰白而目未開。膿水薄而痒未作。身不成痂兮。有痘
疤而莫慮。面痂乾薄兮。漸堆結而何傷。漿停燥實兮。
空地復補而可喜。收靨黑薄兮。根窠得泛而無殃。痂

乾絕無腥臭。須知餘毒尚伏腐爛。臭惡如屍。須防生蛆。攢痒。發癰。發疔。身熱不宜炮熾。發癰發疹。紅潤爲洩毒。膿窻。浸淫不斂。今土虛不能制水。潰爛不收。今火旺。燦金之象。疤凸赤。今因風熱所搏。疤凹白。今因虛陷成坑。

險居可生可死之界。得生失死之場。援之得。今罔不起。投之一失。罔不亡。險症多般。須挈紀綱。一一求之。志無定向。一以貫之。運如反掌。辛溫滋補之症繁多。得一真虛而盡括寒涼攻解之治。不同得一真實而

俱囊萌其真虛真實之源達其極熱極寒之變權其輕重較其短長用補用攻應必如響勢如寬緩而直達分必遵常格勢若急迫而更似是兮可不窮理而通方徒據口而定治尋春於昏夜第見病而治病隔靴而撓痒神理豈規則能定妙訣惟洞徹陰陽元陽得足兮痘無氣虛之患真陰得旺兮痘無血熱之防邪陽旺而五液虧陰寒盛而真火滅陽極則厥而似陰陰極則躁而似陽氣血得勝兮毒火退聽毒火雄烈兮氣血滅亡畏矣哉邪毒之進退大矣哉氣血之

消長。

氣爲陽而毒火侵炙兮。爲蝕氣。或煩熱。或燥渴。口膩如脂。喉間乾噁。痘色輕則乾。而重則滯。極則燥而枯。有舌起芒刺。有唇縮燥硬等象。血爲陰。而毒火侵炙兮。爲燥血。或大便燥結。或小便短赤。夜不成寐。唇焦舌黑。痘或乾紅。或紫黯。或板黃。或焦黑。收痧燥硬。爬肌搔肉。痧不能落。毒火衝突氣分兮。熱如火熾。爲亢陽。或顛狂。或叫喊。或大渴不已。或喜冷思涼。有皮肉掀腫。有面目光亮。有口熱如燄。有唇腫如炊。有

痘起浮衣有發空泡有水泡有重頂有迸裂或氣湧
或填脹或頭汗如淋或面目預腫過期腐爛毒火
衝突血分分爲血熱或界地不分鋪紅肆溢或眼赤
如珠或迫血妄行有從口鼻而出有從大小便而出
有從瘍瘡當頂而出痘或焮紅或紫艷或發血泡或
發紫泡毒火盤據氣分分爲氣滯不能領毒痘出
不快不能峻頂或平或陷不能化毒難以成漿或板
或堅或硬不能成熟難以拘毒或密或細或堆聚成
形或貫珠成象不能磊落一身之氣均爲毒錮而失

其毒。毒火盤據血分。爲血瘀。瘀於內。根窠無暈。有頂無盤。痘色白黯。與肉色無別。難以載毒。瘀於外。根盤紫黯。有發蚤癍。有發蚊迹。有若紫背浮萍。難以成漿。一身之血。悉爲毒鋼。而失其附。一毒火外虐。令輕則抵穿筋骨。頭面潰敗。毀容殘相。重則如失水之魚。剝膚之木。毒火內虐。令輕則便膿便血。如木之有妬。重則潰腑潰臟。如菓之腐仁矣。此非氣血之不足。咸受毒火之傷殘。

至若氣虛不振。令無能領毒。亦頂平。亦頂陷。有灰有

白爲餒而不克稿而不澤。無能拘毒。脚不能斂。無能蓄血。盤不圓淨。或皮薄。或皺軟。爲不蒼老。血虛不榮兮。無能載毒。歸附不厚。行樂淡薄。不能發臭。疤不紅潤。面不榮光。終無血色。

知其侵炙兮。則知氣血之燥烈。急清解以制其火。涼血以潤其燥。開其腠而清液之。不使至於焦枯。知其衝突兮。則知氣血之搏激。急蕩滌以攻其毒。苦寒以制其燄。涼血以救其陰。兼於疏表而令宣暢。不使至於外剥。知其盤據兮。則知氣血之拘囚。急蕩滌

以開其閉破血以導其瘀兼於疏達拔其深根而不
使內潰。知其氣虛不振兮則知毒無駕馭或溫補
以致其旺。或峻補以復其陽。或關鎖以禁其虛滑不
使淪於脫去。知其血虛枯槁兮則知毒無乘載。或
滋養以厚其體。或重補以振其漿。不令流於空殼。

百凡變症。惟此推詳。不必以痛爲實。以痒爲虛。以燥
爲熱。以戰爲涼。出迎之根宗洞達隨在得從心之爽
不求合矩。自不踰方。莫謂參芪非發痘之劑。蕩滌非
治痘之方。莫謂行漿無寒涼之法。收斂無疏達之商。

此理若明。尤得豫而克濟。徹彼乘土。迨未雨而可防。
毒至潰而攻之。覓大於見兔。元至脫而回之。補牢於
亡羊。知微之顯。而得預爲之地。知風之自而悉致病
之誰。

痘出不快兮。主乎升發。必究其繇兮。寧第蟬蛻蜂炭。
其或表邪外束兮。必解散而毒有出路。飲食停內兮。
必食消而毒無攔擋。毒火熾盛兮。奪其勢而不使壅。
遏氣虛不振兮。助其元而令彼發揚。其源得濬。其流
自長。貫漿同於一轍。結痂寧有參商。表如太實兮。翳

之不徹。毒火仍閉而爲虐。表若太虛兮。固之不實。真氣終洩而爲殃。裏若太實兮。攻之不暢。氣血仍困而受虐。裏若太虛兮。補之不實。其元終乏而何漿。實必至於內潰。虛必至於亡陽。更若加乎顛倒。何異抵痘於鋒鏑。妄與成膿。求魚毀網。卽此一端。可以推廣。膿若成而毒未盡。沿毒何能遽止。氣雖足而血未收。涼血何可鬆放。不則竟爾收斂。餘毒必至彰彰。亦有富收不收。脾氣必困中央。此宜實脾燥溼。助痘收斂。何嫌口渴不因火炙。生津補液相當。便瀉不因火迫。

固脾實土爲良心

不寐兮自宜定志胃虛不食兮

助納爲強腠裡虛而汗洩還宜實表神不守而多言

務使神藏邪毒淨盡兮悉從乎補餘毒留連兮可廢

平章總歸虛治兮不通之論不明剝復兮安用彼相

補必期足攻必期暢藥不勝病兮何言九仞治之過

當今誰云力量酌其虛而溫之補之熱之固之不爲

實實明其實而涼之瀉之寒之解之不爲虛虛首尾

不拘惟理是傍痘若平易好奇必誤痘若偏陷適莫

宜亡常道不諳兮無此庸俗尋常不化兮烏得爲良

准廣規則錄

道有依機階梯必從規則學期自得。晝一何能推廣。
孩體初熱兮視其溫壯溫則輕而壯則重溫必神爽。
方輕躁亂莫慶壯則痘起猶輕毒滯尤重壯熱按其
燥潤兮潤則水濟猶輕燥則亢陽尤重兩眼昏沉兮
如睡未醒唇口手指瞶惕兮神情恍恍冒火上衝而
嘔吐邪熱下注而傾腸此因毒趨百竅是皆出痘之
象吐不必治兮邪從吐洩利不必止兮毒以利暢其
或發搐兮惟利關節毋爲驚治其或狂躁兮惟滑煩

熱安神必戕。治先疏肌消食升發透毒爲良。表邪困其輕重。輕則前胡荊芥。重則芫蘇乾葛。風寒可用辛散。風熱惟宜清徹。內傷何獨不然。食輕麥蘖。山查重必青皮枳實。發痘隨症相宜。蟬蛻蘆芽。桑蛙咽喉凡痘宜清。牛旁與夫甘桔。惟有內傷嘔吐。甘桔亦宜暫撤。毒盛內伏。今攻不宜緩。身如火炙。今早撲可減遲。則養虎貽患。致令將來無策。無論漿不能化。縱發何能得出。亦有胃寒而嘔。脾虛而瀉。非因欲痘而然。痘瘡偶因發洩。其必目眶低陷。天柱軟側足冷。頭溫神

情虛怯。重語聲輕。面顏饒白。必先安胃醒脾。茯苓車
全腿朮。縮砂陳皮。甘草扁豆蓮心配合。方於痘所宜
兼並行。不悖揀擇。令亦疏肌消食。何異霜而重雪。痘
若險中帶順。率由舊章。乃得痘看稀密。分稀爲輕。而
密爲重。稀得榮綻。爲輕。密更不鬆。尤重。察其色之紅
白。分白屬血虛。而紅屬血熱。白而嫩薄。血真虛也。血
虛者。慮其漿清。紅而壯熱。血真熱也。熱則防其紫黑。
頂平頂陷。有氣虛氣滯之分。氣虛者。淡白氣滯者。板
赤。淡白克拓而可起。板赤疏達而勃勃。根壯根堅。有

毒絲毒鋼之殊壯者圓綻而鬆堅者攢而硬結圓綻
可以弗藥硬結非透可出活血透毒起服時之工夫
涼血清火成藥前之規則活血如紅花紫草透毒如
山甲蜂房清火芩連犀角涼血丹皮地黃囊發得鬆
今不必再透色轉紅活今何用再涼痘犯熾熱涼解
何拘首尾痘若虛寒溫補何妨巔末淡白而兼色嫩
兮參芪保元爲最淡白而邪發老蒼兮芎歸熟地爲
良小水短赤道赤絲來必用心煩躁亂涼膈散快胸
堂疏表以毒透爲期涼解以火清爲傍咽喉時防阻

塞莫犯辛酸。令熱頭面時防搔痒。最忌醴穢腥香。皮薄漿清。托裏而膿自足。灰白平陷。氣足而痘自發。焯痒分虛實。溼爲虛。而燥爲實。虛則倍以參芪。燥者黃連。生地。便分滑滯。滯爲毒。而滑爲虛。毒則惡實。紅花。黃連。木通。滑石。虛則木香。訶子。茯苓。陳皮。參朮。亢極作戰。今必燥熱而腫赤。氣虛寒戰。今必冷白而皴溼。亢極重以清火而佐散。氣虛急以回陽而俾煖。牙關於發痘之始。責於肝腎之火伏。齒戛於漿成之後。責於腎肝之少血。虛當重以芎歸。熱伏勿令火遏。日不

思食。今有胃虛火閉之殊。夜不成寐。今有心虛熱擾之別。邪熱迫而液沸。腠理虛而汗洩。總令補瀉合宜。勿使虛虛實實。形不鬆。色不活。水楊湯和入胡荽而可浴。或黑黥或破傷化毒丹。調入燕脂而急貼。氣血銅閉。猪尾膏透活無雙。黑黥乾紅無價散。能令紅活。未應收而燥斂。生地重以兩許。應回結而淫潤。不收慧米防風苓朮。餘毒未盡。今審其透伏。伏則疏肌透發。透則活血解毒。體虛而毒未盡。參歸化毒湯宜。神爽而熱未和。地骨小柴亦得。肢節臃腫。歸尾牛膝爲

君佐以紅花羌活兩目紅腫羚羊荆芥爲先次以甘菊羌活木通赤芍連翹燥熱生地皆合熱蒸不斂細茶末收之而可乾和皮脫去金蓋散敷之而自結種種有實有虛有寒有熱不得以陷爲表虛以綻爲表實以吐瀉爲裏虛不吐瀉爲裏實不可以漿後爲虛漿前爲實痘多疑似毋爲其惑欲得其真必詳參合詳其似是實非衡其當務爲急症若偏枯宜以偏濟症無定局妙在權宜以補作瀉以瀉作補究不離乎規則合乎日期同乎矩矱原不下於通方五行順敘

卽顛倒之佞機顛倒佞機卽生剋之常理

治痘須知大運論

天以陰陽而運六氣運有大大小小則逐歲而更大則六十年而易小大有不合大運於陽歲位居陰是陽中之陰猶夏日之亥子時也大運於陰歲位居陽是陰中之陽猶冬日之巳午刻也民病之應乎運氣在大不在小不可拘小節遺其本而專事其末也譬之星理以命爲主流年利鈍焉能移其大局乎病而於小大俱合無論矣有於大運則合歲氣相違者自從

其大而畧變其間也此常理也間有於小則合於大
相違更有於大運歲氣俱違者偶爾之變亦當因其
變而變應之如冬溫春寒更有若夏令飛霜降冬雷
電時令不無怪異民病豈無悖常但不可以常理論
也總以大運爲主不以歲氣紛更強合乎病又不設
成見於胸惟症爲的與司天不合而自合庶乎其近
道矣若概謂當先歲氣外伐天和似非世則之言嘗
稽東垣一以保脾爲主河澗一以滋陰爲重子和一
以蕩滌爲先皆能表表於世總得挈領提綱故得一

本萬殊之妙。不則當年豈無歲氣而必各取其一耶。至於痘症。有獨取于辛熱。有得意于寒涼。有扼要於保元。是亦治痘之明手。何不見有逐年之分別耶。要知大運之使然。非三氏之偏僻也。如曰偏僻。則當年各操其一以應世。何以得各擅其勝乎。成平以禮樂戡定以干戈。此世運推遷之理。人事當然之局也。後學不明其故。各效其一而不通變。亦有畏其偏僻。而第據症按期。有侈談歲氣以示高卓。皆不知循環之大運者也。余先君養恒。治痘肇於神宗初年。以及謝

事大運寒水痘多氣虛卽血熱之症至行漿時而火無不清矣漿後而毒無不解矣卽有變症悉屬真元不繼縱有火毒未盡亦不過强弩之末總歸虛治無不響應昔魏氏之保元正是時之真訣也及予於丁巳至癸亥尚多氣虛與曩局較若一軌自甲子而血熱者漸多矣其毒亦漸深矣向補宜從重者變而宜輕瀉宜從輕者變而宜重始及丁卯所宜重瀉者雖極清極解而亦弗靈矣勢必蕩滌而元臬之勢始殺然猶放標起脹時之權宜也至壬申後蕩滌之法向

施於成癰前者。竟有首尾而難免者矣。歷年以來。居然成一定局。間有宜溫補者。不過百中一二而已。見大運轉於相火矣。治痘不同。其固如此。試問痘之形色症狀。亦有異於前乎。無以異也。第多內症焉耳。伏毒焉耳。痘如稀疎者。其熱宜和。乃有非乾焦如炙。卽頭汗如淋。其神宜爽。乃有非啼號不已。卽昏憤如迷。唇有不見掀腫。而口熱如爐。舌膩如脂。目有不見紅赤。而睫毛倒豎。兩頰如硃。色令紫滯。謔妄其宜。每見肥紅而語言錯亂。色如灰白。厥逆其常。每見焮紅而

愁肢冷。期至漿滿。痛脹何奇。每見放標而卽如膚剝。
時方透點。煩熱何妨。每見落痧而熱猶火熾。有時時
而乾嘔者。有頻頻而腹痛者。症難悉舉。使內無伏毒。
何以其若是也。使伏毒而僅以規則治之。毒其能治
否耶。見相火應病怪異。乃爾也。自古氣運靡常。純駁
無定。痘故變態靡常。補瀉無定。是知今之非昔。其殆
日後之非今乎。乃見前賢徃哲。道雖不同。其趨一也。
若使易地則皆然者矣。詎任胸臆者所可彷彿者哉。
予於當事時。懷冰兢。惟恐偏僻致誤。庶幾屢應屢驗。

稍可自信亦有莫挽者明知其逆不必治不過熱腸所迫耳

附乾焦如烙頭汗如淋一治驗以證大槩

故友孫貞老遺一子四歲庚寅莫春出痘甚勻朗
稀疏而縱突其熱宜和其神宜爽而躁亂如失水
之魚乾熱如紅爐之炙頭汗卒如雨下蓋痘梟毒
內擾則躁亂烈火燔極則燥炙痘瘡最惡者也而
況頭汗如淋頭爲諸陽之首輕清最上之地邪毒
不易犯者而犯之以下可知所以先賢謂毒參陽

位者死。症屬不治。所幸惟初見勢雖騰湧。而毒尚未有定位耳。大黃二錢。石膏三錢。黃連六分。生地三錢。佐以地丁。青皮。荆芥。蟬蛻。木通。山查。連投三劑。而頭汗卽收。熱勢頓減。因減而減。石膏黃連加。丹皮。滑石。牛旁。餘俱照前。服過四劑。痘五朝仍壯熱。而紅暈如硃。以痘起齊。而毒火儘發於外也。躁亂如前。而更渴。大便三四次。照前方復用黃連。石膏倍加。生地至九朝。漿甚老。而少滋潤。紅暈未淡。胃氣不開。熱亦未減。寢亦未安。以一方至十二朝。

諸邪悉退。寢食俱復。以金銀花貝母甘草山查牛
旁荊芥木通門冬扁豆。收痧落靨而愈。

附一稀朗紅潤叫喊不已治驗

驥村嚴五侯兄一子。甫一週出痘。稀朗。可以數紙。
且紅潤可觀。及其身熱如炮。愁楚不堪。兼窠粒不
鬆。此內有伏毒也。若以稀疎紅潤而概目之。則誤
矣。予卽以大黃六分。石膏生地各錢半。佐以荊芥
丹皮山查蟬蛻葛根青皮。連投二劑。大便去三四
次。熱與愁楚稍緩。又投二劑。熱和神定。窠囊亦鬆。

宛然順痘矣。然此霽色乃藥力強制而來。非天然之本質也。藥一不繼。毒勢必復然矣。有一不韻同道而讚曰。此痘本順。爲其所愚。再用此劑。必然致誤。不知重劑妄投。痘卽極順。一瀉而卽變矣。何能反得鬆透而神定也。主人不解其理。遂中止弗藥。至八朝。仍復熾熱。徹夜叫哭而至失聲。頭面擦破。身上紫滯。悔聽讒言。徬徨無措。復邀予視。尚喜破傷而未乾焦。色滯而髮未隱。仍用前方。倍加大黃。生地黄。連減葛根。臨服和入大棗。蟲。日以二劑速。

以化毒丹調入油、胭脂內。將綿紙做如膏藥。以貼破傷之處。次日痒卽止。色轉紅活。叫哭頓愈。又二劑漿足飽滿。頭面復貫。連紙鬆。膿漿四溢。壯熱亦和。十二朝用金銀花、地丁、生地、牛旁、荆芥、木通、甘草、連翹、山查調治收功。痘後乳食倍進。大便較痘前反實。神色甚旺。夫以一歲芽兒。痘且似順。一有伏毒。必得如此而後愈。餘可知矣。

論治痘權宜

治痘百千妙訣。不越補瀉兩途。痘症百千形狀。不離

氣虛血熱兩項氣見其虛無症是實血見其熱無症
爲虛得補諸邪自解宜瀉正氣自復補瀉之法用於
常則易用於變則難人第知其以補爲補以瀉爲瀉
之成法耳不知補瀉之變幻有用補以成其瀉有用
瀉以成其補者如痘不起發以之疏表達裏是以瀉
爲瀉也乃有固中實表而痘適以起者非以補成其
瀉也乎如漿不能化以之保元拓裏是以補爲補也
乃有涼解疏達而漿適以足者非以瀉成其補也乎
此內經瀉東方而以南補西方而以北也舉一而言

三隅可知。知此則補不必拘於時。瀉不必拘於候。時而一以補焉。當不至於助毒。一以瀉焉。當不害於元損。時而依期傍候。蹈矩循規。祇見行其無事。非爲胸中無識矣。於此不能權宜。凡可生之痘。皆淪於不起。然痘家喜補而畏攻者多。信攻而畏補者少。醫亦依傍繩墨者多。達權通變者少。往往從補而致斃者。更十居八九也。

附治驗

先君一友孫瞻老。巳酉歲。一長公忽一日內傷而

吐。次日見痘甚密。自朝至暮絕無起勢。先君以鬆
肌透表二劑。猶之弗藥。次日便以保元湯。參芪各
一錢。加葶歸蟬蛻外。以姜桂少許。以爲之使。日進
二服。景況依然。三朝以參芪各三錢。餘亦類加。至
四五朝畧起。終頂陷囊薄。七朝以參芪五錢。配嫩
鹿茸膏半盞。餘佐如前。仍無沛然之勢。一友從旁
論曰。抑邪得補而愈盛耶。先君曰。果爾。則煩熱躁
渴。痘色蒼老。礬紅。今皮薄色白。頭溫足冷。求一熱
而不得。是不可以得其故乎。乃以參芪各一兩。鹿

茸膏大半盞。一劑而痘卽峻發綻突如珠。根紅頂白。不一日而漿卽肥膿。其後收痂落靨。不假餘力。是以補爲瀉之一驗也。今無是症矣。

雞城臧侄葵兄。一公郎。八歲。羸瘦如瘠。症丁奚。僅

存皮。庚寅仲春見痘。若以理論。脾主肌肉。瘦削如

此。脾健當何如耶。况痘賴氣血終始其功。而氣血之源。根於脾胃。是痘之當以保脾爲先。可無再訖而孰知身熱如炮。目紅如火。躁渴不已。溺血如膏。痘色則椒紅黯滯。此梟毒與烈火發卽內攻。若不

通變七日期當內潰矣。余以_{大黃}四錢。石膏七錢。生地兩許。佐以_{桃仁}。赤芍。荆芥。地丁。牛旁木。通臨服。和猪尾膏一盞。日服二劑。或三劑。六朝加黃連。自放點。以至成痂。以一方而終始其局。約用_{大黃}。勛餘。生地。石膏。二十餘兩。猪尾血十餘碗。而始收功。若此者。以毒火雄烈。首尾如一日也。苟不滌除淨盡。不免功虧一簣矣。痘後精神煥發。飲食大進。而肌肉生長。是以瀉爲補之一驗也。

治痘藥性摘要賦

方不合宜。厥疾何瘳。藥不明性。方從何命。山查寬氣
道而鬆痘。消食亦宜。桔梗順肺氣而清喉。藥中舟楫。
蟬蛻發痘之必需。甘草解毒之莫缺。前胡清風熱之
痰。亦能下氣。葛根散肌表之邪。兼能解渴。薄荷清風
痰而散驚。鈎藤利驚搐而散悸。木通導赤除煩。毒從
溺解。牛旁清喉解毒。邪從肌洩。枳殼下氣寬胸。青皮
散結消食。枳榔豁痰逐水。殺蟲去積。枳實倍於枳殼。
推墻倒壁。澤瀉利水通淋。猪苓速於澤瀉。川芎助清
陽而升頭角。毒火上炎者宜審。木香理滯氣而溫脾。

胃乾紅色滯者何涉。大黃驅臯毒而不留。破惡瘀而不守。不令內潰。石膏解煩渴之如烟。退炎炎之火。裂不使焦黑。姜蠶催漿定痒之一隅。白芷托頂排膿之偏卒。荆芥散風熱而清血中之火。微上微下。防風散風邪而行周身之閉。驅風燥溼。生地黄涼血之聖劑。潤燥無雙。熟地黄補血最良。右莫能出。麻黃發痘而透淵。潛寒勝則宜。陳皮消痰而開逆氣。燥裂則撒。升麻升散而上提。火炎必戒。白芍斂陰而退熱。莫投血熱。山甲力透重圍。其性燥裂。地龍無地不透。最能活

血毒凝滯而不透。紫草當行。血乾滯而不榮。紅花莫
失。羚羊清乎肺肝。犀角解乎心熱。黃芩瀉肺火而涼
大腸。失血亦宜黃連瀉諸火而解熱。毒乾嘔聖藥。赤
芍藥破血中之滯氣。療毒壅之腹痛。牡丹皮退陰中
之伏火。散血熱之氣結。桃仁佐大黃而退浮萍。血瘀
必用地丁。君紅花而散紫黑。毒結尤良。貝母治毒痰
而利心肺。桑皮瀉肺火而治氣逆。滑石利六腑之塞
結。溺赤尤宜。杏仁開心氣之閉塞。止嗽亦得。連翹均
足瀉火。花粉可以解渴。當歸補血虛之要劑。鹿茸振

血冷之幾脫。猪尾膏透伏毒之深藏。無價散。轉黑陷
爲紅活。佗疔留毒。化之無敵珍珠。毒凝痛楚。定之還
須乳沒。牛黃護心解毒。清火開痰。琥珀。利水除煩。安
神散血。黃芪振氣。虛之不克。排膿托裡而實表。人參
補真元之不足。滋助五臟而內益。桂爲參芪之使。壯
血虛冷。附起虛脫之疴。回陽反本。白朮止吐瀉而健
脾。茯苓利水道而滲溼。金銀花。解痘後之餘毒。地骨
皮。退痘後之虛熱。扶神酸棗。寧毒盡之心虛。訶子肉
果塞脾虛之滑瀉。山藥助脾而益腎。米仁收溼而助

脾邪留下部。行走必需牛膝。毒存筋骨。通散無逾羌活。小柴解痘後之潮熱。引藥入肝而主升提。麥冬清心肺之煩渴。生津補液。非虛弗合。佗參去浮游之火。鮮咽痛而快癰。山梔去曲折之火。清肺胃而止衄。木賊草退餘毒之目翳。甘菊花療痘毒之目疾。扁豆蓮肉助脾無嗔。無喜竹葉燈心清心可出。可入藥品浩繁。惟貴精擇。純熟其性。泛應不竭。

救偏瑣言卷之二 終